

NOTAS:

1.—**EPÍGRAFE 1º:** A contía que corresponde aboar ao guindastre pola ocupación de voo é compatible coa que, no seu caso, proceda por ter a súa base ou apoio na vía pública. O aboamento desta taxa non exime da obliga de obter a autorización municipal de instalación da guindastre.

2.—**EPÍGRAFE 2º:** Non obstante do anterior, para as empresas explotadoras de servicios de suministros que afecten á xeneralidade ou a unha parte importante da veciñanza, a contía da presente taxa consistirá, en todo caso e sen excepción algúns, nun mínimo do 1,5 por 100 dos ingresos brutos procedentes da facturación que obténan anualmente neste termo municipal, de acordo co establecido no artigo 24. 1 c) do TRLFL.

Sen prexuízo do anterior, esta taxa será compatible con outras que poidan establecerse pola prestación de servicios ou a realización de actividades de competencia local, das que as mencionadas empresas deberán ser suxeitos pasivos conforme ao establecido no art. 23. 1 b) do TRLFL, consonte ao disposto no artigo 24.1 c).

ARTIGO 7º.—DEVENGO

Devéngase a taxa e nace a obrigación de contribuír:

- a) Tratándose de concesións de novos aproveitamentos da vía pública, no momento de obter a correspondente licencia municipal.
- b) Tratándose de aproveitamentos xa existentes, o día 1 de xaneiro de cada ano natural.

ARTIGO 8º.—RÉXIME DE DECLARACIÓN**E INGRESO**

1.—As cantidades esixidas conforme ás tarifas liquidaránse por cada aproveitamento solicitado ou realizado, e serán irreducibles polos períodos de tempo sinalados nos respectivos epígrafes.

2.—As persoas ou entidades interesadas na concesión de aproveitamentos regulados nesta Ordenanza deberán solicitar previamente a correspondente licencia.

3.—Cando se trate de servicios puntuais, liquidarase e esixirase a taxa correspondente en calidade de depósito previo, en todo caso antes de iniciarse o expediente de concesión ou autorización do aproveitamento solicitado.

4.—Cando se trate de servicios de retribución periódica, liquidarase a taxa co padrón anual de exaccións municipais.

5.—Coa fin de garantir en todo caso os dereitos da administración, toda solicitude de licencia para que poida ser admitida a trámite deberá acompañarse dun xustificante do depósito previo desta taxa na tesourería municipal, calculado segundo os datos formulados polo interesado. O depósito provisional non causará dereito ningún e non faculta para realizar a ocupación, que só poderán levarse a cabo cando se obteña a licencia. A liquidación, practicada conforme as normas anteriores, elevarase a definitiva unha vez concedida a licencia, e se esta fose denegada o interesado poderá instar a devolución dos dereitos pagados.

6.—Rematado o servicio, o interesado presentará solicitude de baixa. Dita presentación de baixa surtirá efectos desde día 1 do período natural de tempo seguinte ao sinalado nos epígrafes da tarifa. A non presentación de baixa determinará a obrigación de continuar abonando a taxa.

7.—As cotas liquidadas e non satisfeitas en período voluntario de cobranza, esixiranse polo procedemento de conxinximento. 8.—Cando a utilización privativa ou o aproveitamento especial regulado nesta Ordenanza leve aparellada a destrucción ou deterioro do pavimento ou instalacións da vía pública, o beneficiario, sen perxuízo do

pago da taxa á que houbera lugar, estará obrigado ó reintegro do custe total dos respectivos gastos de reconstrucción ou reparación e o depósito previo do seu importe.

Se os danos foran irreparables o Concello será indemnizado en contía igual ao valor dos bens destruídos ou o importe do deterioro dos danados.

Baixo ningún concepto se poderá condonar total ou parcialmente as indemnizacións e reintegros a que se refire o presente apartado.

ARTIGO 9º.—INFRACCIONES E SANCIÓN

En todo o relativo á calificación de infraccións tributaria, así como das sancións que ás mesmas correspondan en cada caso, estarse ó disposto nos artigos 181 e seguintes da Lei Xeral Tributaria.

DISPOSICIÓN ADICIONAL

As modificacións que se introduzcan no regulado nesta ordenanza polas leis de orzamentos xerais do Estado ou por calquera outra lei ou disposición, e que resulten de aplicación directa, producirán, no seu caso, a correspondente modificación tácita da presente ordenanza fiscal.

DISPOSICIÓN DERROGATORIA

A partir da data de entrada en vigor da presente ordenanza fiscal quedará derrogada a anterior “Ordenanza reguladora da taxa por tendidos, tuberías e galerías para as conduccións de enerxía eléctrica, auga, gas ou calquera outro fluído, incluídos os postes para liñas, cables, palomillas, caixas de amarre, de distribución ou rexistro, transformadores, raís, básculas, aparatos para a venda automática e outros análogos que se establezan sobre vías públicas ou outros terreos de dominio público municipal ou voen sobre os mesmos”, aprobada polo Pleno da Corporación en sesión de 15 de outubro de 1998; a “Ordenanza reguladora da taxa por ocupación de terreos de uso público municipal con mercadorías, materiais de construcción, refugais, valados, puntais, asnillas, andamios e outras instalacións análogas”, aprobada polo Pleno da Corporación en sesión de 15 de outubro de 1998 e todas cantas disposicións anteriores que a contradigan.

DISPOSICIÓN FINAL

A presente Ordenanza fiscal foi aprobada polo Pleno da Corporación en sesión celebrada o 22 de decembro de 2004 e entrará en vigor ao día seguinte da súa publicación no Boletín Oficial da Provincia, sendo de aplicación a partir do 1 de xaneiro de 2005 ata a súa modificación ou derogación expresa ou tácita.

Moaña, a 23 de decembro de 2004.—O Alcalde, ilexible.

**ORDENANZA FISCAL REGULADORA DAS TAXAS
POR EXPEDICIÓN DE DOCUMENTOS
ADMINISTRATIVOS****ARTIGO 1º.—FUNDAMENTO E NATUREZA**

En uso das facultades concedidas polos artigos 133.2 e 142 da Constitución, e polo artigo 106 da Lei 7/1985, de 2 de abril, Reguladora das Bases de Rexime Local, e de conformidade co disposto no artigo 20.4 a) do Real Decreto Lexislativo 2/2004 de 5 de marzo, polo que se aproba o Texto Refundido da Lei de Facendas Locais, este Concello continúa coa taxa por expedición de documentos administrativos, que se rexerá pola presente Ordenanza Fiscal, cuxas normas atenden o prevido no artigo 57 do citad Real Decreto.

ARTIGO 2º.—FEITO IMPOÑIBLE

1.—Constitúe o feito imponible desta taxa a actividade administrativa desenvolvida con motivo da tramitación, ainstancia de parte, de toda clase de documentos que se expidan e dos dependentes que entendan os órganos de goberno deste Concello (art. 20. 4 a) do TRLFL.

3.—A tramitación de documentos e expedientes necesarios para o cumprimento das obrigacións fiscais non estarán sometidos a esta Taxa, como tampouco as consultas tributarias, os expedientes de devolución de ingresos indebidos, os recursos administrativos contra resolucións de calquera clase e os relativos á prestación de servizos ou realización de actividades competencia do Concello.

ARTIGO 3º.—SUXEITOS PASIVOS

Son suxeitos pasivos desta taxa, en concepto de contribuíntes, as persoas físicas e xurídicas, así como as herdanças xacentes, comunidades de bens e demais entidades que, carentes de personalidade xurídica, constitúen unha unidade económica ou un patrimonio separado susceptible de imposición, que soliciten, provoquen ou que redunde no seu interés a tramitación do documento ou expediente de que se trate (art. 35 da Lei Xeral Tributaria).

ARTIGO 4º.—EXENCIÓNS

Estarán exentos do aboo destas taxas:

a) Os documentos que afecten a persoas acollidas na Asistencia Social.

b) Os que se expidan a instancia de Autoridades civís, para surtir efectos en actuacións de oficio, Concelleiros e colectivos veciñais inscritos no Rrexistro Municipal.

c) As Ordenanzas, Orzamentos, Regulamentos Municipais que polo Concello se envíen a outras Corporacións, a Entidades Oficiais ou Autoridades.

d) Quedan, así mesmo, exentos destas taxas os documentos que calquera veciño empadroado no Concello precise pa ser presentado en calquera Organismo oficial, estatal ou internacional, debendo figurar tal destino no propio certificado, e que se limitarán a certificados de convivencia, residencia, empadroamento ou constancia nos diversos padróns municipais.

ARTIGO 5º.—DEVENGO

Esta taxa devéngase coa presentación da solicitude que inicia a tramitación dos documentos e expedientes suxeitos á taxa.

ARTIGO 6º.—COTA TRIBUTARIA

A cota tributaria determinarase por unha cantidade fixa segundo a natureza dos documentos ou expedientes a tramitar de acordo coa tarifa que contén o artigo seguinte.

A cota de tarifa corresponde á tramitación completa en cada instancia, do documento ou expediente de que se trate, desde a súa iniciación ata a súa resolución final.

ARTIGO 7º.—DEREITOS DE BUSCA DE ANTECEDENTES

Os dereitos de busca de antecedentes son obligatorios aínda que o resultado sexa negativo, e independentemente do que devenguen os certificados. Estes serán en todo caso extendidos no papel destinado aos efectos.

ARTIGO 8º.—TIPOS DE GRAVAME

Os tipos de gravame serán os seguintes:

A) ANTECEDENTES:

Pola busca de documentos en calquera dependencia municipal:

- Por cada documento: 18,00 euros
- Por cada folla que excede dun prego: 3,00 euros

B) CERTIFICADOS, ACTAS, COPIAS, COMPULSAS, ETC.

-Por cada certificado expedido en calquera dependencia municipal nunha folla de papel (excepto os que se sinala taxa específica): 2,00 euros.

- Por cada folla que sexa preciso engadir: 1,00 euro.

-Copias de planos existentes nas oficinas de obras: por cada folla que non excede de 50 decímetros cadrados: 12,00 euros.

-Por cada folla que excede de dita superficie: 15,00 euros.

-Por cada 50 decímetros cadrados ou fracción que excede dun metro cadrado, ademais das cantidades sinaladas: 3,00 euros.

-Por certificacións ou informes sobre edificios, solares, antigüidade ou propietarios e actuacións similares: 45,00 euros.

-Certificacións de autorización de segregacións de parcelas urbanas, por cada parcela resultante: 45,00 euros.

-Por copias de documentos, por cada folio: 0,10 euros.

-Certificados de líquidos imponibles de fincas con informe de plusvalías: 4,00 euros.

-Compulsa de documentos, por cada folla: 1,20 euros.

-Certificados a instancia de Compañías de Seguros: 80,00 euros.

-Por informes da Policia Local a petición de parte: 7,00 euros.

C) LICENCIAS DE ENTERRAMIENTO

-Por licencias de enterramento: 0,50 euros.

D) LICENCIAS DE EXHUMACIÓN, EN SEPULTURAS.

-Por licencias de exhumacións: 1,00 euro.

E) COPIAS DE ORDENANZAS E ORZAMENTOS

-Por cada exemplar de Ordenanzas: 2,00 euros.

-Por cada exemplar de Orzamentos: por cada folla: 0,10 euros.

F) PODERES

-Por cada bastanteo: 30,00 euros.

G) TÍTULOS DE CONCESIÓNS NOS CEMITERIOS

-De nichos ou criptas: 30,00 euros.

-De cinceiros: 18,00 euros.

H) CAMBIOS DE TITULARIDADE DAS CONCESIÓNS NOS CEMITERIOS

-De panteóns ou mausoleos: 30,00 euros.

ARTIGO 9º.—LIQUIDACIÓN E RECADACIÓN

Esta taxa liquidarase en rexime de autoliquidación, polo procedemento do selo municipal estampado no escrito de solicitude da tramitación do documento ou expediente, ingresando o importe correspondente nas dependencias municipais de recadación do Concello ou Entidade de Bancaria colaboradora.

O xustificante do ingreso adxuntarase á solicitude sendo requisito imprescindible para dar trámite á mesma.

Os escritos recibidos polos conductos a que se fai referencia no artigo 70 da Lei de Procedemento Administrativo, que non veñan debidamente reintegrados, serán admitidos provisionalmente, pero non poderá dárselles curso sen que se subsane a deficiencia, polo que se requiri-

rirá ao interesado para que no prazo de dez días aboe as cotas correspondentes, con apercebemento de que, transcorrido dito prazo sen efectualo, teranse os escritos por non presentados e será arquivada a solicitude sen máis trámites.

ARTIGO 1º.—INFRACCIONES E SANCIÓNS

En todo o relativo á cualificación de infracciones tributarias, así como das sancións que ás mesmas lles corresponde en cada caso, estarase ao disposto nos artigos 181 e seguintes da Lei Xeral Tributaria.

DISPOSICIÓN DERROGATORIA

Quedan automaticamente derrogadas todas as disposicións anteriores á aprobación desta Ordenanza e que contradigan os seus enunciados, e nomeadamente a Ordenanza Fiscal Reguladora da Taxa por Expedición de Documentos Administrativos aprobada polo Pleno da Corporación en sesión celebrada o 9 de decembro de 2000.

DISPOSICIÓN FINAL

A presente Ordenanza, aprobada polo Pleno da Corporación en data 22 decembro de 2004, entrará en vigor unha vez publicada no Boletín Oficial da Provincia e comenzará a aplicarse a partir do 1 de xaneiro de 2005, permanecendo en vigor ata a súa derogación expresa ou tácita.

Moaña, a 23 de decembro de 2004.—O Alcalde, ilexible.

ORDENANZA FISCAL REGULADORA DA TAXA POLO SERVIZIO DE CEMITERIOS

ARTIGO 1º.—FUNDAMENTO E NATUREZA

En uso das facultades conferidas polos artigos 133.2 e 142 da Constitución e polo artigo 106 da Lei 7/1985, do 2 de abril, reguladora das Bases do Réxime Local, e de conformidade co disposto no artigo 20.4 e) do Real Decreto Lexislativo 2/2004 de 5 de marzo, polo que se aproba o Texto Refundido Lei de Facendas Locais, este Concello continúa coa taxa polo servizo de cemiterios municipais, que se rexerá pola presente ordenanza fiscal, que nas súas normas atende ó previsto no artigo 57 do citado Real Decreto Lexislativo.

ARTIGO 2º.—FEITO IMPOÑIBLE

Constitúe o feito imponíble da taxa a prestación dos servizios de cemiterios municipais, tales como: asignación de espacios para enterramentos; permisos de construcción de panteóns ou sepulturas e ocupación dos mesmos; reducción, incineración; movementos e colocación de lápidas, enrellados e adornos; conservación dos espacios destinados a descanso dos defuntos; e outros servizios que sexan procedentes ou se autoricen a instancia de parte.

ARTIGO 3º.—SUXEITO PASIVO

Son suxeitos pasivos contribuíntes as persoas físicas e xurídicas e as entidades a que se refire o artigo 35 da Lei Xeral Tributaria, solicitantes da concesión da autorización municipal ou da prestación do servizo e, no seu caso, os titulares das autorizacións concedidas.

ARTIGO 4º.—RESPONSABLES

1.—Responderán solidariamente das obligacións tributarias do suxeito pasivo as persoas físicas ou xurídicas

a que se refire o artigo 42 da Lei Xeral Tributaria. 2.—Serán responsables subsidiarios as persoas ou entidades que sinala o artigo 43 da Lei Xeral Tributaria.

ARTIGO 5º.—EXENCIÓNS SUBXECTIVAS

Estarán exentos os servizios que se presten con ocasión de:

a) Os enterramentos dos asilados procedentes da beneficencia, sempre que a conducción se verifique por conta dos establecimentos mencionados e sen ningunha pompa fúnebre que sexa costeada polos familiares dos falecidos.

b) Os enterramentos de cadáveres de pobres de solemnidade.

c) As inhumacións e exhumacións que ordene a autoridade xudicial. **ARTIGO 6º.—COTA TRIBUTARIA**

A cota tributaria desta taxa determinarase por aplicación da seguinte tarifa:

a) 1.—Licencias de inhumación ou enterramento: 45,00 euros.

2.—Licencias de exhumación de restos: 30,00 euros.

b) Concesión de nichos. Por cada concesión de 4 niveis ou grupos de nichos: 2.520,00 euros c) Por cada licencia para colocación de lápidas, cruces, inscripcións e outros adornos: 18,00 euros.

d) Por limpeza total de cada fila de nichos ou 0,50 cm. de frente: 18,00 euros.

ARTIGO 7º.—DEVENGO

Devéngase a taxa e nace a obriga de contribuír cando se inicie a prestación dos servizios suxeitos a gravame, entendéndose, a estes efectos, que dita iniciación prodúcese coa solicitude daqueles.

ARTIGO 8º.—DECLARACIÓN, LIQUIDACIÓN E INGRESO

1.—Os suxeitos pasivos solicitarán a prestación dos servizios no rexistro xeral do Concello.

2.—No intre de presentar a solicitude, efectuarase liquidación provisional, polo importe correspondente a esta taxa, que se ingresará de inmediato na Tesourería municipal.

3.—Resolta a solicitude de licencia, practicarase liquidación definitiva, na que se deducirá o importe ingresado na liquidación provisional.

4.—En canto ao apartado b) no artigo sexto, o Concello poderá conceder prazos, previo acordo da Comisión de Goberno, para o ingreso do importe da concesión (2.520,00 euros). O título da concesión outorgarase no momento de liquidar o último prazo.

ARTIGO 9º.—INFRACCIONES E SANCIÓNS

En todo o relativo á calificación de infracciones tributarias, así como das sancións que ás mesmas correspondan en cada caso, estarase ó disposto nos artigos 77 e seguintes da Lei Xeral Tributaria e disposicións concordantes.

DISPOSICIÓN DERROGATORIA.—A partir da entrada en vigor da presente modificación, queda derrogada a Ordenanza Fiscal Reguladora da Taxa de Cemiterios Municipais aprobada definitivamente polo Pleno da Corporación o 26 de marzo de 1998 e todas aquelas disposicións anteriores que contradigan o agora disposto.

DISPOSICIÓN FINAL.—A presente ordenanza fiscal, aprobada polo Pleno da corporación en sesión celebrada o 22 de decembro de 2004, entrará en vigor ao día seguinte da súa publicación no Boletín Oficial da Provin-

